



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCC. Continuatio de eodem Mysterio.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

autem panis terrenus conservat vitam terrenam, sic ab eo, & ab ejus prodigiola multiplicatione, in memoriam revocatâ, atque ad faciendam Fidem mox dicendorum adductâ, Christus transferre nititur Judæorum mentem ad Panem, qui de Cælo descendit, & qui confert Vitam Cælestem, scilicet, ut per Opera bona se disponant, ac præparent ad dignè sumendum Christum sub speciebus Panis in Eucharistia. Hic ergo sit finis etiam nostrorum bonorum Operum, ut nimirum ad Panem Eucharisticum dignè, & fructuosè sumendum per illa quotidie disponamur, & sic operemur Cibum, qui permanet in Vitam æternam, sive qui manet in suo effectu, nempe in Vita æterna, per Gratiâ Sacramentalem nobis aliquando conferendâ.

MEDITATIO CCC.

Continuatio de eodem Mystério.

PUNCTUM I. Cùm inter Opera bona ad dignè & fructuosè Christum in Eucharistia sumendum ille ipse requisivisset Fidem, & quærentibus: *Quid faciemus, ut operemur Opera DEI, respondisset: Hoc est Opus DEI, ut credatis in eum, quem misit ille.* Ipsi non contenti unica panis multiplicatione, & communis panis miraculosa in vulgus divisione, majusque Miraculum de Cælo expetentes, dixerunt: *Quod ergo facis Signum, ut videamus, & credamus tibi? quid operaris? Patres nostri manducaverunt Manna in deserto, sicut scriptum est: Panem de Cælo dedit eis manducare. Dixit ergo eis JESUS: Amen, amen dico vobis: non Moyses dedit vobis pa-*

nem de Cælo: sed Pater meus dat vobis Panem de Cælo
rum. Panis enim DEI est, qui de Cælo descendit, & dat
Vitam mundo &c. Ego sum Panis Vitæ. Joan. 6. v. 28.
Considera ergo, quantò hic Panis sit præstantior
Mannâ Mosaico: hoc enim precibus Mosis in aëre for-
matum est, & Patres, qui manducaverunt Manna
mortui sunt. At Panis iste, de quo Christus locutus
est, à Patre Cælesti ab æterno est genitus, descendit
de Cælo, uniendo sibi Humanitatem in terra, & Filius
de viva manducatus solus sufficit, ad dandam vitam
æternam cuiusvis homini in toto mundo. Quanta er-
go æstimatione, Fide, desiderio, ac fame, quo devo-
tionis gustu, præparatione, gratiarum actione, hic
Cælestis ac Vivificus Panis manducandus est? Et quo
modo tu illum manducas?

PUNCT. II. *Qui venit ad me, non esuriet, & qui
edit in me, non sitiet unquam.* Joan. v. 35. Tanta est
hujus Panis, Fide Viva, & per Charitatem formati
manducati, ut extinguat omnem famem, ac sitim
terius cibi, & potûs, id est, omne desiderium alterius
rei, quæ non est DEVS, vel quæ non ordinatur ad
DEVM. Fac, ut hunc fructum etiam in te experia-
ris, ita omnem appetitûs Satietaem ex pia & fre-
quenti Manducatione hujus Panis percipiendo, ut
cunctarum aliarum rerum gustum & famem extin-
guas.

PUNCT. III. *Caro mea verè est Cibus, & Sanguis
meus verè est Potus. Qui manducat meam Carnem, & be-
bit meum Sanguinem, in me manet, & Ego in illo.* v. 56. Per-
pende igitur, quos effectus Cibi & Potûs verè contu-
neat, ac Animæ præstet Caro & Sanguis Christi. Uti
de tuâ culpâ, & internâ stomachi infirmitate accidit.

stam sapidus, & Animæ acceptus Cibus, ac Potus in te non permaneat; vel effectus Cibi & Potus saluberrimi in mente & Anima tua non producat: quia scilicet non sumpisti vel cum debita dispositione; vel non continuisti te ab alijs rebus noxijs, parientibus nauseam hujus suavissimi Cibi, & impredientibus ejus salubritatem, ac fructum. Modus autem & ratio debite dispositionis, præcipuè est firma & Viva Fides; cujus defectu Judæi existimantes, sibi à Christo incredibilia & absona dici, reclamârunt: *Durus est hic sermo; & quis potest eum audire?* v. 61. *Ex hoc multi Discipulorum ejus abiêrunt retrò: & iam non cum illo ambulabant.* v. 67. adeoque deserebant Fidem in Christum, tanquam in Filium DEI. Tu autem ad Christum, sub speciebus Eucharisticis, læitantem, cum Petro dic: *Domine, ad quem ibimus? Verba Vitæ aternæ habes. Et nos credimus & cognovimus, quia tu es Christus Filius DEI.* v. 69. Unde quemadmodum credimus, Christum propria Virtute Cælum conscendisse, quod omnibus hominibus erat occlusum; sic credimus, Omnipotentiâ suâ posse etiam sub species Eucharisticas descendere, & suæ Divinitatis Spiritu carni, secundum se inutili, virtutem Animas vivificandi tribuere. Ideo Christus dixit v. 64. *Spiritus est, qui vivificat: caro non prodest quidquam, scilicet se solâ; prodest tamen ut unita Personalitati Divinæ, & prout substât Verbis Christi, de quibus ipse dixit v. 64. Verba, quæ Ego locutus sum vobis, Spiritus & Vita sunt: id est, Carni tribuunt virtutem Spiritualem, ut unita Divinitati per Verba Consecrationis existat sub speciebus Eucharisticis, verè quidem & realiter, instar tamen Spiritûs Animam vivificantis.*